


1625_1180.jpg



1180 M. DC. XXV.

cholere, qu'il a fait retenir ce Lieutenant, & luy a tenu des discours si picquans contre le gouvernement de la Porte, qu'il est aisé de iuger qu'il a de mauuaises intentions.

Les Cosaques avec deux cents cinquante barques ont saccagé Trebissonde, mais le chasteau a fait si bonne resistance qu'ils ont esté contraints de se retirer avec leur butin qui a esté tres-grand, & le sont allé serrer à Caffa, où ils n'estoient iamais entrez: ce qui donne assurance certaine de la bonne intelligence qui est maintenant entre les Tartares & les Cosaques: outre les Ambassadeurs que le Roy des Tartares tient en Perse.

Se retirent avec leur butin à Caffa, ville capitale des Tartares.


De Goa du 22. Feurier 1625.

Si vous voulez sçauoir l'estat auquel à present sont les affaires des Indes, le Mogor & son fils sont en guerre contre le Sophi, auquel ils ont pris deux grandes villes, avec perte de beaucoup de gens. Le Dealcan est aussi en guerre avec le Roy de * Milinde, lequel depuis peu de iours a tué audit Dealcan quinze mille hommes, & les meilleurs Capitaines qu'il auoit. Le Roy de * Laor est aussi en guerre avec la Roynede * Lare, lesquels Nunc Aluarez Boteillo tasche d'accorder, avec ordre du Vice-Roy. Ces choses font que tout le negoce est mort, & toute la marchandise & tout le trafic abbatu. Goa estant en si miserable estat, que tout s'en va en tributs & en droicts impo- sés sur ce qui ne peut pas durer longuement.

* Nota que ce Milinde est des Indes Orientales, autre que celui d'Afrique.

* Nota que Laor & Lare sont noms de Prouinces de la coste des Malabares, qui portent plusieurs de petits

1625_1181.jpg



1625_0601.jpg

Histoire de nostre temps. 601


service domestique de leurs peres dans la Maison du Roy auprès de ses Ancestres; & du mien auprès de la sacree Personne, depuis son aduenement à la Couronne.

N'a-on pas veu leurs chemises saisies, & iusques aux moindres drapeaux de ceux du berceau, lors de leur premiere fureur apres ma disgrâce; c'estoient les six cents mil escus que cet effronté Denonciateur crioit si haut que j'auois emporté, (il deuoit dire en mes poches) & que j'auois caché finement dans le coffre de leur linge: Il a fallu des Arrests & des Commissions pour le retirer; & d'une telle source quel moindre torrent de violence s'en peut-il imaginer?

Ses plaintes contre celuy qui s'estoit rendu Denonciateur contre luy.

Bon Dieu, Monseigneur, quel remede à vn tel malheur? quel miserable petit trou me donne-on pour m'eschapper? n'y a-il plus de grâces ny d'humanité? quelle gloire ou quelle vtilité de me porter par desespoir à telles plaintes, si ce n'est que Dieu le vueille ainsi, pour faire voir au Roy des veritez qu'autrement il ne cognoistroit, peut-estre, de long temps: Il verra que les innocens sont opprimez sans se pouoir iustifier: que la veufue & l'orphelin, comme ma femme & mes enfans le sont en ma personne, demeurent accablez sans protection, que c'est oster la seureté, & peut-estre esbranler l'affection des plus gens de bien, & de ses plus affidez seruiteurs en mon exemple: & qu'apres s'estre dit & tesmoigné le singulier Protecteur de ceste sainte Themis, que nostre France a tousiours reuersee dans ce sacré Senat: Il

1625_0602.jpg



602 M. DC. XXV.


luy oste sa legitime autorité pour la donner à
vne estrangere, & comme si mesme il ne luy
peut confier les crimes qu'un homme de neant
doit sçavoir pour s'en rendre Denonciateur
contre moy. En voicy huit que j'ay appris de
son imprudente vanterie.

- Les huit crimes desquels il est accusé.
- 1 L'evasion de ma prison.
 - 2 Que j'ay fait payer les Suisses au temps de la necessité dans les affaires du Roy.
 - 3 Que j'ay fait donner de l'argent au Tresorier de l'Espagne Beau-marchais par preference.
 - 4 Que j'ay parlé au Comte Mansfeld, & traité avec luy sans la permission du Roy.
 - 5 Que j'ay pareillement traité avec les Ambassadeurs sans congé.
 - 6 Que j'ay changé les resolutions du Conseil.
 - 7 Que j'ay cherché d'aigrir le Roy contre ceux en qui il doit avoir toute confiance.


Et 8 Pour dernier Galimatias, que j'ay revelé les secrets du Roy.

I'y responds : mais avant, Monseigneur, permettez-moy, s'il vous plaist, de gemit en considerant la qualité de ce miserable, & me pardonnez, si l'affection avec laquelle ie vous ay tousiours cherement honoré me fait dire, plus pour vous que pour moy : car n'estant plus qu'un malheureux, c'est peu, ou c'est beaucoup pour vous, que tant de rares vertus & de merites, ont esleué à ce haut degré d'honneur, où vous estes, & qui tenez encore le principal timon des affaires, & des Conseils du Roy : Si vous souffrez que l'Histoire fasse voir


1625_0603.jpg




1625_0604.jpg




1625_0605.jpg



1625_0606.jpg



1625_0607.jpg



1625_0608.jpg




Image issue du site mercurefrancois.ehess.fr - Cliché (c) Cécile Soudan